



CANTON SARAJEVO
Cantonal Civil Protection Administration
Operational Center

Broj: 04-40-1-81/20
Sarajevo, 22.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 21.03.2020. do 08:30 sati 22.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Štab je jučer u 10:00 sati održao press konferenciju na kojoj su komandant i načelnik Štaba, kao i premijer Vlade Kantona Sarajevo i ministar unutrašnjih poslova Kantona Sarajevo upoznali javnost sa mjerama i aktivnostima koje su u prethodnom periodu poduzete od strane Štaba, Vlade Kantona Sarajevo, općinskih štabova civilne zaštite, kantonalnih organa uprave, ustanova i institucija, općinskih službi za uprava i javnih preduzeća na sprečavanju pojave koronavirusa, te uputili apel građanima da se pridržavaju svih preporučenih mjere zaštite od koronavirusa i da obavezno poštuju mjeru samoizolacije.

U cilju koordiniranja planskih aktivnosti sa općinama na poduzimanju preventivnih mjera na sprečavanju širenja koronavirusa, Štab je 21.03.2020. godine u 11:00 sati održao sastanak sa komandantima i načelnicima općinskih štabova civilne zaštite s područja Kantona Sarajevo na kojem su na kojem su dogovorene mjere i aktivnosti na planskom provođenju čišćenja, pranja i dezinfekcije ulica, trgova, trotoara, javnih stepeništa i parkinga i drugih javnih prostora na području svih općina u



Kantonu Sarajevo, te da se pomogne svim zdravstvenim ustanovama i ustanovama socijalne zaštite i najugroženijim građanima u novonastaloj situaciji uzrokovanoj pojavom koronavirusa.

U toku jučerašnjeg dana Štab je angažovao Službu za veterinarske poslove na dezinfekciji Željezničke stanice i terminala na Ilidži i u 19 objekata u kojima su smješteni punktovi javnih kuhinja u Kantonu Sarajevo.

Od općinskih štabova civilne zaštite putem njihovih operativnih centara civilne zaštite smo obavješteni, da su aktivirali sve svoje službe zaštite i spašavanja i dodatne snage koje su u toku jučerašnjeg dana bile angažovane na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije intervencije manjeg intenziteta.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu je iznosila +4°C, relativna vlažnost zraka 78 % a barometarski pritisak 945 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojimase izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1